

ABENDUALDIKO IV. DOMEKEA "C"

«Gabon honeetan aurkitu dabe lekua ostatuan»

«Esta navidad encontraron sitio en la posada»

Sarrera oharra

Abenduaren azken txanpan sartu gara, senideok. Domeka honetako Liturgiak ekimena Jainkoarena dala iragarriko deusku. Onena litzateke, ba, Jainkoari adi egotea, eta ez horrenbeste geure amesak garatzen ahalegintzea. Adi egongo gara, ba, Dabid erregearen ametsari, baina baita Jainkoaganako Mariaren prestutasunari ere. Entzun daigun Caritasen deia. Ondo etorri.

Sarrera abestia

ZATOZ, JAUN MAITALEA

Arantzazutik

Za - toz, Jaun mai - ta - le - a, bi - zi - a - ren i - tu - rri - a! Me -

si - as Jaun - goi - ko - a, za - toz, za - toz - Jau - na.

1. En - tzun - ei - zu gu - re - mi - na, bai o - toi - tza, bai

ne - ga - rra, en - tzun kris - ta - uen e - zi - na.

† Aitaren eta Semearen...

† Hurrean dan Jauna izan bedi zuekin.

Damu-otoitza (*Beherago, Abenduko Koroia*)

Sarriegitan gura izaten dogu Jainkoak geure amesak gauzatu daizala; ez gara geu jarten haren esanetara. Egin deiogun dei haren errukiari:

—Jesus Jauna, Jainkoaren esanetara zengozana, *erruki, Jauna.*

—Jesus Jauna, Jainkoaren nahia bilatzen eta gauzatzen zenduana, *Kristo, erruki*.

—Jesus Jauna, Mariaren baietzaren frutua zarana, *erruki, Jauna*.

Abenduko koroia (egiten ez bada, gorago *damu-otoitza*)

Laugarren kandela hau bizterakoan, Jauna, zure esanetara Mariaren prestutasunez jartea eskatzen deusugu; gure gizarte honek gizakiaren zoriona dozula atsegin ezagutu daian.

(4. kandlea bizten dan bitartean, abestu:)

J = 100 Abenduko koroia bedekintzean: Is 60,1 Udaia 97



Ja - gi zai - tez, Je - ru - sa - lem, ba - da - tor zu - re ar - gi - a;
hor do - zu ar - gi - tzen, su ta gar, Jau - na - ren ain - tza.
En - tzun, e - ne he - rri, zu - re - tza - ko do - dan hi -
E - ten lo - ka - rri - ak, ba - rri txa - rrak al - bo - ra -
tza: as - ka - tu - ko zai - tut, poz - tu - ko deu - tsut bi - ho - tza.
tuz, po - bre - tu guz - ti - ei zu - re bi - ho - tza za - bal - duz.

Itxaropenaren Jainkoak bere Semearen mahai ingurura ekarri gaitu. Egun baten aintzazko mahai ederrean alkartu gaizala, zorionaren betetasunean.

AMEN.

Mi 5, 1-4a

Harrigarria da Mikeas profetak Jainkoaz emoten deuskun irudia: gure jokabide guztiak bazterrera

botaten ditu. Onartuko ete dogu holan diharduan Jainkoa?

Erantzun salmoa: Sal 80

Jainkoa goraltzen, haren handitasuna autortzen, eta, geure txikitasuna autortuz, eskatzen irakasten deusku salmo horen. Bere eskutik egin daigun otoitz.

J = 80 ABN04C — Sal 079 Udaia'15

Jain-ko, ber-biz-tu ga-gi-zuz, sal-ba-tu ga-te-zan zu-re be-gi-a leun a-ger-tu e-gi-zu

Hb 10, 5-10

Gure ohiturea Jainkoari gauzak eskeintzea edo agintzea da. Baina Jainkoak gure gauzak barik geu ez ete gaitu gura? Ba gara geure burua eskeintzeko gauza?

Ebanjelioa (Lk 1,39-45)

Mariaren eta Isabelen, ahaide bion artean, jazoten danetik zegaz gelditu geintekoz? Isabelek Mariaz egiten dauan goralpenaz? Aleluia abestuz egin deiogun harrerea, zutunik.

ABENDUALDIRAKO Aleluia: Urratu eizue (G.J. 8/41)

R/ A-le-lu-ia. A-le-lu-ia. A-le-lu-ia.

V/ Ur-ra-tu ei-zu e-bi-de-a Jau-na-ren-tzat, zu-zen-du ha-ren bi-dex-kak: e-ta i-ku-si-ko-da-be-guz-ti-ek Jaun-goi-ko-a-ren sal-ba-me-na.

Herri-otoitza

† Gizakion ona eta zoriontasuna gura dauzan Jainkoaren aurrean jarri gaitezan eskale, konfiantza osoz:

—Eleizearen alde: giza handigurak baztertuz, etxe-aterpe bakoen, pobreen eta gauza ez diranen ondoan egonik iragarri daian Jainkoaren aukeratuak dirala, *eskatzen deutsugu, Jauna*.

—Izurrite edo Pandemia honen erasoak sufritzen dabenean itxaropenik galdu ez daien eta besteon laguntza erakarri daien, *eskatzen deutsugu, Jauna*.

—Herrialde aberatsek herrialde pobreen oihu eta garrasiak entzun daiezan, zabaldu daiezan mugahesiak (fronterak), hareen kanpo-zorra ezabatu daien, eta mundu alkartuago baten alde lan egin daien, *eskatzen deutsugu, Jauna*.

—.../.. (Caritasen kanpainaren arabera...)

—Otoitzean alkartu garanok, Jainkoaren ekimena onartuz, haren esanetara jarri gaitezan, Mariaren erantzun berbera emonez, *eskatzen deutsugu, Jauna*.

† Gizakion zorionerako gure artan gizon agertu zaran Jainkoa: onartu daigula zure ekimena, geuk ere gure senideen zoriona bilatu ahal izan daigun. Jesu Kristo...

Jaunartzerako

**Zatoz, Jauna, zatoz lurrera
zure herri hau salbatzera.**

¹ *Bakea ta justizia bialdu mundura, Jauna;
zure jaiotzak gugana bekar poza, zoriona.*

² *Okerretatik zuzendu, gaitz bideetatik
aldendu,
gure kateak apurtu (urratu), bide ilunak*

argitu.

³ *Gorroto-bideetatik aldendu gagizuz, Jauna;
alkar parkatu dagigun emoiguzu maitasuna.*

Amaieran

Ez gaitezan gelditu axaleko beharrizanei begira. Barrurago begituz, izan daigun Mariaren adimena, uste on osoa Jainkoagan izateko jarrita, eta, haren esanetara egonez, gure senideen zerbitzura bizi izan gaitezan.

Gabonak zorionezkoak izan daitezala.

Amaiera abestia

**Alaitasuna lurrean:
badator egunsentia.**

**Alaitasuna lurrean:
gu salbatzera dator Jainkoa.**

- ¹ Jainko zuzen, zintzo,
gutaz, arren erruki.
Agindu zendun Salbatzailea,
zure seme-alabori, arren bidali.